

Аллоҳга ва Пайғамбар соллаллоҳу алайҳи васалламга итоат қилиш



19:00 / 28.04.2025 1401

﴿الْمُؤْمِنُونَ الَّذِينَ آتَوْا اللَّهَ وَالرَّسُولَ مَخَشَاةً وَأَسْرَارًا ۚ هَٰؤُلَاءِ لَنُكَفِّرَنَّ عَنْهُمْ سَيِّئَاتِهِمْ وَلَنَجْزِيَنَّهُمْ أَجْرًا كَثِيرًا ۚ سَابِقُوا إِلَىٰ الْبِرِّ هَٰذَا هُوَ السَّبْقَ الَّذِي لَنُكَفِّرَنَّ عَنْهُمْ سَيِّئَاتِهِمْ وَلَنَجْزِيَنَّهُمْ أَجْرًا كَثِيرًا ۚ﴾

**«Аллоҳга итоат қилинг ва Расулга итоат қилинг ва ҳазир бўлинг!
Агар юз ўгирсангиз, билингки, Расулимиз зиммасида очиқ-ойдин
етказиш, холос» (Моид сураси, 92-оят).**

Бу мусулмон киши тушуниб, ўзига яхшилаб сингдириб олиши лозим бўлган қоидадир. Ҳар бир ишда фақат Аллоҳга ва Пайғамбар соллаллоҳу алайҳи васалламга итоат қилмоқ керак. Шунда одам икки дунё саодатига эришади. Бу итоатдан фақат банданинг ўзигина фойда топади. Пайғамбарнинг вазифаси – Аллоҳдан келган нарсани очиқ баён қилиб бериш, холос. У зот соллаллоҳу алайҳи васаллам бу вазифани мукамал

адо этдилар. Энди умматлар қиёматгача итоатда бўлишлари керак.

Хамрнинг ҳаромлиги ҳақидаги охирги оят нозил бўлгач, унинг ҳукми ҳаммага аён бўлди. Шунда баъзи шак-шубҳа қўзиб юрадиган одамлар: «Хамр ҳаром бўлса, тириклар-ку, тавба қилиб, қутулиб оладилар, аммо хамр ичиб юриб, ўлиб кетганлар, қорнида хамр билан вафот этганларнинг холи нима бўлади?» – деган гап тарқатишди. Бу висир-висирлар баъзи ихлосли кишиларга ҳам таъсир қилди. Жамиятда бу гап катталашиб кета бошлади. Шунда Аллоҳ таоло бу саволга жавоб тариқасида ушбу оятни нозил қилди:

﴿الْحُسَيْنِ يُحِبُّ وَاللَّهُ وَأَحْسَنُوا اتَّقُوا اللَّهَ وَآمِنُوا اتَّقُوا اللَّهَ وَأَحْسِنُوا اتَّقُوا اللَّهَ وَأَحْسِنُوا اتَّقُوا اللَّهَ وَأَحْسِنُوا اتَّقُوا اللَّهَ وَأَحْسِنُوا﴾

«Иймон келтирганлар учун, агар тақво қилиб, иймон келтириб, солиҳ амалларни қилган бўлсалар, сўнгра тақво қилиб, иймон келтирсалар, кейин тақво қилиб, яхшилик қилсалар, еб-ичганларида гуноҳ йўқдир. Зотан, Аллоҳ яхшилик қилувчиларни севадир» (Моидасура, 93-оят).

Ушбу жавобдан Аллоҳнинг ҳукми келмасидан аввал қилинган ишларда жавобгарлик йўқ эканини тушунамиз. Яъни хамрнинг ҳаромлигини эълон қилувчи оят ҳижратнинг учинчи йилида нозил бўлган бўлса, унга Ислолда хамр ҳаром бўлмаган. Ўша лаҳзагача уни ичган одам ҳаром нарсани ичган бўлмайди. Бу хусусда ҳисоб-китоб ҳам қилинмайди. Унга гуноҳ ҳам бўлмайди. Ўлиб кетган бўлса, сўроқ-савол ҳам қилинмайди.

Шу билан бирга, ояти каримада бундай ишларда иймон ва тақво асосий аҳамият касб этишига алоҳида эътибор берилляпти. Диққат билан қаралса, қисқа бир оятда «иймон» ва «тақво» сўзлари уч мартадан такрорланяпти.

Аввало, бу ҳукм **«иймон келтирганлар учун»**лиги айтилмоқда. Албатта, емак-ичмагининг ҳалол бўлишини фақат иймонлилар – мусулмонлар суриштирадилар. Улардан бошқаларга нима еб-ичаётганларининг фарқи йўқ. Ҳалолми-ҳаромми, суриштириб ўтирмайдилар. Энг муҳими, есалар-ичсалар бўлди. Бу масалада улар чорва ҳайвонлари кабидирларки, буни ўзлари ҳам яхши билишади.

Кейин:

«...агар тақво қилиб, иймон келтириб, солиҳ амалларни қилган бўлсалар», – дейилмоқда.

Яъни ҳам иймон, ҳам яхши амал, ҳам тақводорлик зарур, буларсиз бўлмайди. Оғизда иймон даъво қилинса-ю, тақво бўлмаса, иймон йўқ ёки заиф бўлади. Шунингдек, яхши амаллар қилиб юрганини ёки энди қилмоқчи эканини даъво қилса-ю, тақвоси бўлмаса, бу ҳам ўрнига ўтмайди. Бундай амалларни яхши деб бўлмайди.

Оятда бундан кейин:

«...сўнгра тақво қилиб, иймон келтирсалар...» – дейилмоқда.

Аввалги жумлада иймон билан яхши амалларни қўшиб олиб бориш учун тақво зарурлиги ишоратан билдирилган бўлса, бу ерда иймоннинг алоҳида ўзига ҳам тақво зарурлиги таъкидланмоқда.

«...кейин тақво қилиб, яхшилик қилсалар...» жумласи билан эса яхши амалларнинг ўзига ҳам тақво зарурлиги таъкидланмоқда. Бу нарса ўз навбатида шуни кўрсатадики, тақво, яъни Аллоҳнинг айтганини қилиб, қайтарганидан қайтиш нақадар аҳамиятли иш экан. Албатта, тақво – киши қалбига ўрнашган малакадир, соҳибини яхшиликка йўллаб, ёмонликдан қайтариб турувчи, доимо Аллоҳдан қўрқитиб турувчи ҳолатдир.

Ароқнинг ҳаромлиги ҳақидаги оят нозил бўлишидан олдин ароқ ичиб юрган бўлса ҳам, иймони, яхши амали тақво асосида бўлган шахсларга еган-ичганида гуноҳ йўқ. Чунки у пайтда ароқ ҳаром қилинмаган эди. Аммо «Менинг иймоним қалбимда, тақвом қалбимда, эътиқод масаласи шахсий иш», деб ароқни ичаётганлар уни ҳалол десалар, кофир; ҳаром деб туриб, ичсалар, осий бўладилар.

«Тафсири Ҳилол» китоби асосида тайёрланди